



Republika e Kosovës
Republika Kosova-Republic of Kosovo
Qeveria -Vlada-Government

Ministria e Shëndetësisë - Ministarstva Zdravstva - Ministry of Health

Bordi për Shkollim Specialistik

Për: Institucionet private shëndetësore të interesuara për konkursin për shkollim Specialistik

Nga: Bordi për Shkollim Specialistik

Subjekti: Informatë

Të nderuar,

Në pajtim me **Ligjin për Shëndetësi Nr 04/L-125** dhe **Udhëzimin Administrativ (UA) për Shkollim specialistik 01/2023, nenet 16, 17 dhe 18**, Bordi për Shkollim Specialistik konform kompetencave të veta, po përgatitet që në përfundim të procesit të konkursit për institucionet publike të konsideroj kërkesat e ardhura në adresë të Bordit për shkollim specialistik nga institucioneve private për hapjen e vendeve të reja për specializim, sipas kushteve dhe kriterëve që i gjeni më poshtë.

Meqë kanë kaluar disa muaj nga apeli i parë, ju lutem që të përditësoni dhe rikonfirmoni kërkesat-veojat e tuaja për specializme të reja në afat prej 7 ditësh në mënyrë të tillë që të plotësoni formularin e mëposhtëm të nënshkruar nga udhëheqësi i institucionit tuaj.

Për vëmendjen tuaj formulari ju obligon që të përcaktoni saktë kërkesat-nevojat e juaja konform dispozitave ligjore të **nenit 12, 13 dhe 15 te UA 01/2023** dhe kushteve e kriterëve të këtij konkursit (bashkangjitur gjeni formularin zyrtar të cilin duhet ta plotësoni dhe firmosni).

Afati i fundit për pranimin e kërkesave-nevojave tuaja të përditësuara në formë fizike në Minsitrinë e është data 11.06.24 ora 15:00.

Kushtet e aplikimit për shkollim specialistik:

1. Të ketë përfunduar studimet universitare (niveli bachelor dhe master ose studimet e integruara që përfshijnë këto dy nivele) në drejtimet: Mjekësi e Përgjithshme, Stomatologji, Farmaci ose Psikologji Klinike, sipas nenit 18, paragrafët 1.1, 1.2 dhe 1.3 të UA për Shkollim specialistik 01/2023;
2. Të kenë licencë pune nga fusha profesionale përkatëse;
3. Aplikantët kanë të drejtë aplikimi në njërin nga drejtimet specialistike të shpallura në këtë konkurs, sipas drejtimeve respektive dhe lëmive specialistike përkatëse të specifikuara në shtojcën 2 të UA për Shkollim specialistik 01/2023.
4. Të ketë aftësi psiko-fizike për zbatimin e shkollimit specialistik, sipas nenit 18, paragrafi 1.6 i UA për Shkollim Specialistik 01/2023;
5. Aplikanti në lëmitë specialistike kirurgjike në ditën e aplikimit duhet të mos ketë më shumë se 40 vjeç, sipas nenit 18, paragrafi 1.7 i UA për Shkollim Specialistik 01/2023;
6. Të jenë anëtar të Odës përkatëse të Profesionistëve Shëndetësor, sipas nenit 18, paragrafi 1.8 i UA për Shkollim Specialistik 01/2023;

Dokumentet e nevojshme për të aplikuar për shkollim specialistik:

1. Diploma (apo certifikata e nostrifikimit të Diplomës) e studimeve universitare (niveli bachelor dhe master ose studimet e integruara që përfshijnë këto dy nivele) në drejtimet: Mjekësi e Përgjithshme, Stomatologji, Farmaci, Psikologji Klinike;
2. Certifikata e notave me kalkulim të notës mesatare (nëse kjo nuk figuron në Diplomë), ndërsa për kandidatët që kanë përfunduar studimet jashtë Republikës së Kosovës duhet vërtetim i barasvlerësimit të notës mesatare në Fakultetin e Mjekësisë të Universitetit të Prishtinës "Hasan Prishtina";
3. Licenca e punës e profesionistit shëndetësor;
4. Certifikata mjekësore e aftësisë psiko-fizike;
5. Kopja e letërnjoftimit;
6. Ekstrakti i lindjes i Republikës së Kosovës;
7. Vërtetim antarësie nga Odat përkatëse të Profesionistëve Shëndetësor;
8. Vërtetim mbi përvojën e punës në fushën profesionale përkatëse, nëse aplikanti ka përvojë pune (ky nuk është një dokument diskualifikues, por në mungesë të tij konsiderohet se nuk ka përvojë pune);
9. Deklaratë nën betim në lidhje me një specializim paraprak (të filluar ose të përfunduar) e plotësuar dhe e nënshkruar personalisht nga aplikanti (mund të shkarkohet në vegzën konkursit);

Kriteret e përzgjedhjes së aplikantëve për shkollim specialistik:

Pikët maksimale që aplikanti mund të grumbulloj janë 100, të shpërndara sipas kriterëve:

Pikë POZITIVE

1. Nota mesatare: 40/100 pikë (sipas sistemit 4 x nota mesatare)
2. Koha e pritjes nga diplomimi: 10/100 pikë (sipas sistemit 1 pikë/vit, deri në maksimumin 10 pikë); *përfshihet këtu viti akademik I studimeve 1998/1999 për ish studentët e UPHP.*
3. Përvoja e punës profesionale në fushën përkatëse ku posedon licencën: 10/100 pikë (sipas sistemit 2 pikë/vit, deri në maksimumin 10 pikë);
4. Njohja e gjuhëve të huaja anglisht ose/dhe gjermanisht: 5/100 pikeve, me dëshmi nga institucion kredibil ose Fakulteti i Gjuhëve të huaja të Universitetit të Prishtinës "Hasan Prishtina" sipas sistemit 2.5 pikë nëse kandidati dëshmon njohjen e një gjuhe me certifikatë valide te nivelit B ose ekuivalent I tij me maksimumin e mundshëm 5 pikë;
5. Studimet postdiplomike të nivelit doktoratës (PhD/Dr sc) ose Magjistraturës shkencore (Mr sc): 10/100 pikë (sipas sistemit PhD e përfunduar 10 pikë; PhD e regjistruar 3 pikë, Magjistraturë e përfunduar 5, Magjistraturë shkencore e regjistruar 2 pikë);
6. Punimet shkencore: 10/100 pikë (sipas sistemit autor i parë ose korrespondent në punim origjinal/revial/metanalizë të publikuar në revistë me recension ndërkombëtar deri 10 pikë, autor i parë në studim rasti i publikuar në revistë me recension ndërkombëtar 5 pikë, deri në 10 pikë maksimumi; autor i parë ose korrespondent në punim origjinal/revial/metanalizë në revistë vendore ose rajonale me 3 pikë deri në maksimum 6 pikë, autor i parë në studim rasti në revistë vendore ose rajonale me 2 pikë deri në 6 pikë maksimumi; (përfshihen këtu revistat predatorë).
7. Prezente në konferenca shkencore: 10/100 pikë (sipas sistemit pjesëmarrje aktive në konferencë ndërkombëtare 5 pikë me maksimum 10 pikë, pjesëmarrje aktive në konferenca vendore ose rajonale 3 pikë (prezente oral ose poster i moderuar, ose autorë i parë në poster jo të moderuar) me maksimum 10 pike.
8. Pjesëmarrje në programe observershipi/internship/fellowship në fushën profesionale jashtë vendit (dëshmuar me certifikatë pjesëmarrjeje): 5/100 pike sipas sistemit me qëndrim 3 muaj e më shumë 5 pikë, më pak se 3 muaj 3 pikë, më pak se 3 javë 1 pikë, me maksimumin e mundshëm 5 pikë.

Pikët NEGATIVE:

1. Vonesat në afatin e diplomimit: -10/100 pikë (sipas sistemit -0.5 pikë/vit vonesë, deri në minimumin -10 pikë); përjashtimisht rasteve të percaktuara me statutet e IAL, krahas dëshmiave përkatëse.
2. Specializimi paraprak: -30/100 pikë (sipas sistemit -30 pikë specializim i përfunduar ose i papërfunduar/pezulluar/ndërprerë (*përfshihen këtu ata të cilët e kanë regjistruar specializimin dhe kanë kryer obligimet kontraktuale me Ministrinë e Shëndetësisë apo*

Institucionin Shëndetësor ose ata të cilët këtë e kanë bërë për arsye shëndetësore të dokumentuara me mendim konziliar).

- 3. Terheqja pa arsye nga konkursi paraprak pas daljes se rezultateve perfundimtare, ne fazen e parapare per lidhjen se kontrates: -10/100 pike.*

Vërejtje:

-çdo kandidatë ka të drejtë të përzgjedh një lëmi specialitike ku dëshiron të aplikoj nga lista e specializimeve të ofruara dhe konform profilit profesional (që e specifikon shtojca 2 e UA për shkollim specialistik 01/2023), ndërsa kjo preferencë duhet të korrespondoj me rekomandimin (letrën mbështetëse) nga institucioni përkatës, kur është fjala për kategoritë II, III, IV sipas këtij konkursi;

-në rastin kur dy e më shumë kandidatë dalin me shumë të pikëve të barabarta, përzgjedhja do të bëhet sipas notës mesatare.

Me respekt



Republika e Kosovës
Republika Kosova-Republic of Kosovo
Qeveria -Vlada-Government

Ministria e Shëndetësisë - Ministarstva Zdravstva - Ministry of Health

Bordi për Shkollim Specialistik

KËRKESË PËR SPECIALIZIME TË REJA

Institucioni shëndetësor: _____

Përfaqësuar nga: _____

Pas analizës objektive nga institucioni jonë, kërkohet nga Minsitria e Shëndetësisë, përkatësisht Bordi për Shkollim Specialistik të merrë në konsideratë nevojën e institucionit tonë për kuadro të reja specialistike nga fusha e:

| Lemia specialistike | Numri i pozitave | Arsyetimi |
|---------------------|------------------|-----------|
| | | |
| | | |
| | | |
| | | |
| | | |

Deklaroj, se institucioni jonë merr përsipër që në përputhje me nenin 12 të UA 01/2023 të financoj kandidatin fitues nga konkursi i shpaluur për pozitat e kërkuara nga ne, respektivisht të aprovuara nga BShS.

Datë: _____

Emri, mbiemri dhe nënshkrimi i përfaqësuesit të institucionit
